

全唐文

欽定全唐文卷八百五十五目錄

常準

請禁攝官衝替奏

王周

蚋子賦


并序

劉鼎

請依故事薦人自代疏

張允

請罷明經科奏



請罷童子科奏

駁曹國珍請修大晉政統疏

駁赦論

馬承翰

請禁走馬害人奏

李守貞

上南唐元宗乞師表

高守瓊

請慎選縣令奏

盧振

請開門奏

裴吳

請置洛陽壇墠齋屋奏

樊倫

禁僧尼剃度奏

梁文贊

請罰惰民奏

李欽明

請許陳許蔡三州制造舟船奏

請汰僧人疏

司徒詔

請採遺書奏

盧文紀

請追尊宣憲太后表

請御書殿最臣寮奏

請振飭辭謝朝班告假事例奏

請對便殿疏

請禁喪制踰式奏

陳政事疏

勅諭事與新州址告假事劄奏
請禁與賊敵先表

欽定全唐文卷八百五十五

常準

準漢乾祐元年官吏部員外郎

請禁攝官衝替奏

臣以國家選擇令佐或從銓注或是勅除立考課以校政
能驗貪廉而行黜陟如斯條貫尚有闕遺近者諸道州府
多署攝官以代正授既不拘於考績唯掊斂於資財致使
戶民轉爲蠹耗臣請示諸道州府長吏如令佐正官月限
已滿除替未到不限時月切不得以攝官衝替須待正授

替官卽令對面交割縣務然後本州使出給解由批書厯子如此則承真命者守文畏法求攝任者退亦懷心

王周

周魏州人事後唐明宗以戰功拜刺史晉天福中厯貝州涇州節度使遷武勝保義義武成德四鎮杜重威降契丹欲自引決家人迫以出降授武勝軍節度使檢校太師漢祖入立徙鎮武寧加同平章事乾祐元年卒贈中書令

蚰子賦

并序

蚰子之下有蝻子蝻子之下有浮塵子三者異乎皆狀小

而黑世云巴蛇鱗介中微蟲所變耳三伏間晝飛夜息啣
啄人肌膚動爲瘡痂能飛不見其翼能嚙不見其口微眇
之極雖縝密衣服亦可通透莊生焦螟之說近之也至微
之蟲豸詩獨無蚋故作賦以廣之

蟲之至微名之曰蚋信乎蟣之別品復爲蟲之餘裔羣巢
蚊之異類結搏牛之深契附諸鬱蒸產彼蕪穢張華之識
何以辯其兩翼離婁之明何以見其長喙伺暑絺之漏露
啐豐肌而睥睨默然而至暗然而噬人之至靈何闕爾之
所衛人之至剛何反爾之所制狀斯咄咄籲於造物何不

金定年曆下 卷之五十五
三
恣蛇虺之毒必當與之爲避何不張虎豹之口不敢與之
爲忽豈其食人之膏血資己之肥脂念膚體之何毀痛瘡
痂之難沒吾將擷楸葉以爲焚俾爾之銷骨者也

劉鼎

鼎字公度徐州蕭縣人起家爲大理評事歷殿中侍御史
起居郎後唐清泰中出爲渾州廉判入爲刑部郎中改吏
部郎中兼侍御史知雜事漢乾祐初拜諫議大夫卒年五
十五

請依故事薦人自代疏

臣見建中元年正月勅中外文武臣僚授官上任後三日舉一人自代事下中書如除官用人選所薦多者擬議多事以來此道久廢今後乞復施行

張允

允鎮州束鹿人後唐同光中累遷宏文館直學士水部員外郎知制誥清泰初改給事中轉左散騎常侍晉天福五年遷禮部侍郎改御史中丞轉兵部侍郎知制誥充翰林學士承旨漢乾祐初授吏部侍郎卒年六十五

請罷明經科奏

明君側席雖切旁求貢士觀光豈宜濫進竊窺前代未設諸科始以明經俾升高第自有九經五經之後及三禮三傳已來孝廉之科遂因循而不廢縉紳之士亦緘默而無言以致相承未能改作每歲明經少至五百已上多及一千有餘舉人如是繁多試官豈能精當況此等多不究義唯攻帖書文理旣不甚通名第豈可妄與且當年登科者不少相次赴選者甚多州縣之間必無貢闕輦轂之下須有稽畱怨嗟自此而興謗讟因茲而起但令廣場大啓諸科並有明經者悉包於九經五經之中無出於三禮三傳

之內若無釐革恐未便宜其明經一科伏請停廢

請罷童子科奏

國家懸科待士貴務搜揚貴實求才須除訛濫童子每當就試止在念書背經則雖似精詳對卷則不能讀誦及名成貢院身返故鄉但刻日以取官更無心而習業濫蠲徭役虛占官名其童子一科亦請停廢

駁曹國珍請修大晉政統疏

作者之謂聖述者之謂明苟非聖明焉能述作若運因革故則事乃惟新或改正朔而變犧牲或易服色而殊徽號

是以五帝殊時不相沿樂三王易世不相襲禮止於近代
率由舊章比及前朝日滋其目多因行事之失改爲立制
之初或臣奏條章君行可否皆表其年紀以姓名聚類分
門成文作則莫不悉稽前典垂範後昆述自聖賢厯於朝
代得金科玉條之號設亂言破律之防守而行之其來尚
矣皇帝陛下運齊七政厯契千年爰從創業開基莫不積
功累德所宜直筆具載鴻猷若備錄前代之編年目作聖
朝之政統此則是名不正也夫名不正則言不順而媚時
掠美非其實矣若翦截其詞此則是文不備也夫文不備

則啓事端而禮樂刑政於斯亂矣若改舊條而爲新制則未審何門可以刊削何事可以編聯旣當革故從新又須廢彼行此則未知國朝能守而不失乎臣等同共參詳未見其可況臣等學慙該古識昧折中當君上順道師古之時無臣下亂名改作之犯則天下幸甚天下幸甚

駁赦論

管子云凡赦者小利而大害久而不勝其禍無赦者小害而大利久而不勝其福又漢紀云吳漢疾篤帝問所欲言對曰唯願陛下無爲赦耳如是者何蓋行赦不以爲恩不